



國家清史編纂委員會·文獻叢刊

清代詩文集彙編

國家清史編纂委員會·文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七八九

岨谷山房遺集二卷岨谷山房外集一卷 薛 瀾 撰 一

涵齋遺稿一卷附遺文一卷 徐仁鑄 撰 三九

澄齋詩鈔四卷 惲毓鼎 撰 五七

賞心山房詩草十一卷賞心山房詩餘二卷賞心山房雜著二卷

賞心山房存聯一卷附年譜一卷 王陳常 撰 一〇五

冬心居士吟草不分卷 黃春齡 撰 二一九

李襲侯遺集八卷 李經述 撰 二三七

雁影齋詩存一卷 李希聖 撰 三五—

嶺雲海日樓詩鈔十三卷附選外集一卷 丘逢甲 撰 三七七

餘癡生詩集三卷 愛新覺羅毓朗 撰 五七九

觀古堂詩集十三卷（南遊集一卷朱亭集一卷書空集一卷

歲寒集一卷漢上集一卷于京集一卷還吳集五卷北征集

一卷浮湘集一卷崑崙詠集二卷卽園山居文錄二卷

觀古堂文外集一卷觀古堂駢儷文一卷 葉德輝 撰

民國八年九月

碎金積玉

岑春煊題



題嵒谷山房遺集

文章疏宕
有奇氣

伍廷芳



嶺谷集叙

宋王庭珪送胡忠簡詩云男子要爲天下奇奇之云者非必皆致命遂志殺身成仁之謂豈必文高班馬雅注蟲魚智名勇功烜赫一世云爾哉其必具聖賢學問抱豪俊胸襟入敦孝悌出重交游不隕穫於貧賤不充諛於富貴不取悅於衆人之耳目不附和於名士之風流斯可爲天下奇矣同治紀元春正月蒙以選貢北上應考未歸而回亂作室家播遷九月杪始奉慈闈避地韓原北風雨雪負米無所欲呼將伯而相識祇同年吉劍華一人亦極瑣尾流離之狀矣韓原文物之邦不乏篤道德能文章之士而一時傳爲奇男子者落落寡合不理衆口心竊疑

嶺谷山房遺集

嶺谷山房遺集

而慕之而未由識其面也忽一日有客翩然見訪叩其姓字則薛君曉湘體貌魁梧氣懷恭敏一見如舊遽訂石交次年蒙投効多忠勇軍依某分統踰秦嶺駐武關曉湘亦踵至甘伍卒士屢探虎穴附案保六品藍翎蒙從軍十四閱月無所合遂去分手之際曉湘放聲大哭蓋悲士不遇同病相憐非徒阮籍窮途之哭作歧路沾巾之態也別後又三年蒙渡黃河而東走晉走燕曉湘則應丁文誠之辟憑棲於東國者有年又相偕四川數載由諸生積功保至分省知縣自以不合時宜決然舍旃以牖下老謂非天下奇男子哉至性過人血誠滿腔依文誠時志同道合凡發奸擄伏除殘去貪決嫌疑定猶豫諸大端皆一身任

之有怵以危禍者不顧也尤莫奇於籌度河工一事爲公家節省帑金一百七十餘萬山東吏治爲天下冠文誠亦以其功歸之雖未蒞官而建白己多以視蒙之半世飢驅廿年竊祿而毫無表見者相判奚啻霄壤也哉顧君意氣相許不鄙謂余時時寓書以道藝相切劘雖蹤跡踈濶而神志常合南魚北雁千里宛似一堂尤可感者在山東閱庚午試錄謂共事諸君曰可賀我矣白心吾中式矣昔人謂文字性命之交較骨肉妻孥尤爲親切誠篤論哉君於文章非所甚好其讀北山記云束髮不喜讀書志在力行士果內行不虧一丁不識可也破萬卷乎自道如此可概生平矣是以詩古文詞不多亦不留稿沒後詰嗣季

子正清收搜散佚得若干篇一再披展率多衝口而出不甚祕飾而言皆有物字裏行間時疏宕有奇氣所存雖不多而一毛自可以知鳳簡明書目謂前明李忠愍集詩文皆所造不深然光明俊偉之氣自不可揜蒙於君文亦然今者將壽梨棗萬本傳矣而宿草已青重過何日瞻念故交又不禁潛然而出涕也宣統三年夏四月高陵愚弟白遇道謹撰

嶠谷遺集序

清同治八年太監安得海稱慈禱后旨往江南幹辦旌旗甲仗蔽江而下守令具供張惟謹莫敢誰何時平遠丁文誠公撫山東聞而捕治僚屬十數輩更迭諫阻獨幕中薛秀才謂朝廷故事閤人無故不得出國門力請疏置安得海於法天下快之薛秀才者韓城諸生薛瀾曉湘也秀才初從多忠勇公軍爲間諜獎叙六品藍翎忠勇公歿貧困無所依久之游山左文誠公一見禮焉河決鄆城侯家林主者奏請帑二百萬金有旨命公查覆公檄秀才覆勘還言三十萬金足以集事其後卒如所言居幕府久文誠公有所舉劾率先遣秀才秘調得實而後出之一

嶠谷山房遺集

三

時吏治肅然以軍務河防勞累保至知縣弗就文誠公亦不之強居東十餘年東人識與不識皆稱之爲薛秀才云秀才倜儻權奇雅不屑意章句故所爲詩文絕少歿後其子正清搜集遺稿爲嶠谷遺集二卷來乞序言秀才詩文率意而不自修飾然絕去依傍不爲雷同亦自有獨到處予槩觀其爲人當其歷抵軍門大似高三十五書記身跨鞍馬落落有幽并健兒氣至其始終客平遠幕不肯出仕則似驍驍戀主慨然有青絲絡頭爲君終老之致及乎投老歸鄉授徒自給則又似故將軍李廣幾爲醉尉所輕也嗚呼悲矣予既重秀才之爲人又嘉其子之能寶手澤也故樂爲之序

石禪老人趙藩撰

嶠谷山房遺集目錄

卷之一

古詩

謁明南兵左侍郎左忠貞公廟堂

同治乙丑三月濟南戒嚴書所見

涿州行贈循吏全鑑三

別筵曲

古松

律詩

送友人從軍

嶠谷山房遺集目錄

同治癸亥十月自咸陽馳救商州

題何子吟秋詩集後

廢園

雒陽

漫書

酒量秋潮長

登岱

經太山明堂

即事

題昌邑店壁

龍山道中

悼亡姬春雲

贈高麗中社長

老女

趙菁衫心師北歸

濟上重別

齊河題壁

贈萊海卜次句

由秦涉齊太行旅舍有燕市客賦二月二十日邸報悲

而賦此

臨谷山房遺集目錄

哀何天根

邑侯王石樵告歸

買菊

汾陰渡隔水見韓城諸山

別雲南豪士萬品三

感懷寄東國耆舊

秋郊行

落第

早睡

除夕

大雪赴登州

丁文誠太保回黔脩墓毅廟賞假一年

有以詩弔左忠貞者倚聲和之

和李雲生原韻

絕句

思親

龍門

商州

藍關

道東海靈山島巖臺有感

臨谷山房遺集目錄

觀海

上元

閨詞

峽江寺佛壁

寒食

華清宮

始皇塚

明湖秋柳

紀夢

過秦山下

烏棲曲

中秋無月

七夕

金陵

蜀山道中

灌口閱江

游青城山

岷山

成都寒食

遇故人

劍關

朝邑相國子告西還詩以迓之

訓蒙

聞歌

自嘲

大雪戒廚娘

示兒

村女

卷之二

書答

與丁稚璜少保

詣閭約菴相國

讀北山記與薛曉峰

答馬伯源

與白太史

又

又

與丁觀察介藩

與張某

與孫姓議婚書

讀跋

讀諸葛前出師表

跋程子取士劄子

題詩集傳拜表輒行後

題丁稚璜少保漁樵耕讀書副

先考雅不嗜文墨間有著述亦不存藁清於大事

後悉心搜輯書答則徵自友人題跋則錄自簡端

詩詞楹聯或傳自口碑或錄於野寺荒祠楹壁間

蓋遺藁完存於書笥者絕鮮裒繕後實求 白五

齋世伯編訂蒙示謂各體詩及書答題跋等篇應

嶧谷山房遺集卷之一

韓城薛曉湘先生著

桂林龍澤厚堂校訂

古詩

謁明南兵左侍郎左忠貞公廟堂

蘿石堂下鞠枯死猶芬芳
禿松與箒竹落落出矮牆
束髮初識字累上君子堂
烈風與大節父老說滄桑
壯歲走東海五次過
萊陽晨登蘿石山
八月肅青霜
賤子迫朝渴
把露吸松漿
紅日出朝鮮
照見南嵐莊
民氣質而秀
氣節勝文章
光緒帝三載賤子歸
夏陽西將入劍閣
聽講哲人傍
水仙花正開
班鳩語甘棠

嶧谷山房遺集

七

六

爲正集其餘試卷稟牘楹聯應列別集傳狀附錄
謹卽如命編次釐爲正集二卷別集一卷繕校成
帙以俟梓行烏虜手澤尙新墓木已拱捧卷三復
不禁泫然民國二年夏五男正清謹識於京師宣
南
先考詩文集自改編後於茲又七年矣中間國變
頻仍清亦播遷四方歲無寧居迄未付梓每遇急
變獨懷斯卷走者蓋屢矣邇日國內停戰稍可苟
安於是急出付印庶免倉卒遺失益增不孝之罪
嗚呼 先考之歿去今十有九年矣祿養無從掃
祭亦缺而 慈幃七旬相去萬里長兄敬庭今歲
又慘殉靖國之役緊清不孝不弟猶復苟活於嶺
之表海之陬骨肉永隔生離死別痛悼何極民國
八年八月廿二日男正清又識於廣東陽山縣署
之思過堂

飯我焦麥麵蒜醋雜椒薑高咏桃花扇甯南鎮武昌拔劍斫地
哭灑血慟烈皇殉國遠莫救踪跡痛二王此時忠貞公南兵左
侍郎奉使入燕京國體關存亡母喪不敢奔斬衰梓宮旁抗節
爭禮數殺身何足傷求仁而得仁宋有文天祥一唱三嘆息哀
厲聲彌長忠貞儻有知神色必慘愴韓城多奇士臨難節愈剛
忠毅夫子衛忠烈先生強私淑與親見先後各輝光我來謁遺
廟如登考妣堂音容不可接沈痛迫肝腸嬌兒憫衰病苦勸莫
慘傷老夫哭當歌歌罷天地昂

同治乙丑三月濟南戒嚴書所見

浩劫喜焚屠皇天總好生朝廷憐赤子急難鑄鐵城吾皇帝四

載乙丑春清明捻逆賴文洗汶上肆縱橫雖跳梁小醜郊原盡
震驚年荒親骨肉世亂惜升平村婦孺兒女鄉農負父兄不暇
飢與渴捷徑走棘荆耕牛知避難任重如任輕喘息向城市畏
死有同情哀哉深閨秀扶母匍匐行頭上無簪珥縫衽一蒸
餼糧在懷袖薺米雜蕪善牝雞抱左臂承重比挾嬰傍人門戶
立恐有叱逐聲側身馳廣路不敢問前程幸入齊州郭郭門極
閨闔大旗懸白虎猛士突金睛官吏哀鴻雁垂頭淚點傾雖乏
博濟力庶不愧科名檢點銅雷待擊銳與鯨危樓藏萬弩誓
掃樓與槍發金籌守土席衽此編氓清野復堅壁中丞善將兵

涿州行贈循吏全鑑三

嶺谷山房遺集

八

韓城秀才飢欲死拜別先人墳墓向東駛脚踏梁山雪暮宿龍
門寺太行望幽燕雲物何雄肆洪河撼北邙泛濫失淮泗傷哉
胼胝心遠慮不及此巍巍岱宗高尼山老並峙耳聞梁父吟眼
見濟南士大明湖水清不敵匹夫志燕趙多豪英器識兼文字
玉田蔣著生豐潤趙進士愛民不愛官於止知所止殺皇帝八
年詔斬安太監趙公笑口開典衣邀文譔座客四五人頗盡當
時彥主人喜欲狂雙脚商羊抃西海不足平中朝堯舜見君來
自涿州部選嘉祥縣對客似木訥羞談循吏傳致志在力行先
行言後見春雨並秋月曹南孺婦羨青宮少保丁憂民時減膳
好賢如好色心勞目未眩置之疲難區理繁資幹練舉重如舉

輕至誠終始貫昭昭無藻飾冥冥矢昧旦衆女妬蛾眉賢者或
不免收帆趁好風回頭即攏岸國士赴所知萬里不辭遠騎驢
下井陘千里哀鴻徧或和土爲丸或磨石成麵死者不勝收生
者不忍看賤子家韓城晉秦水一綫自愧乏麥舟空懷移粟願
吁嗟嗟帝堯都平陽唐俗稱勤儉忽忽數千年古處民情變豐
歲不積穀何以禦災歎坐享承平福何以處憂患君來自涿州
握手錦江頭改官格部議暫留我心愁奇才不世出每每多滯
尤高官非所樂樂在憂民憂飲以成都酒聊爲浣花游上謁漢
昭烈下拜張桓侯君臣同一德偉業照千秋北風雲釀雪岷江
日夜流思親情倍切歸棹指黃牛僕心託流水安穩送行舟路

嶺谷山房遺集

九

入襄樊日梅花滿驛樓

別筵曲

琵琶黃蜜石榴紅醋醋詰朝萬里橋去去江南路 萬縣繞
山行力辟黃牛險家有倚門人遑辭足脛繭 羣居近周歲朝
朝無間言各持敬慎心吁嗟蜀道難

古松（原注）韓城治西象山絕頂六言

太華凌雲異種託根李老丹臺儘爾猶龍變化清風明月去來

律詩

送友人從軍

又向同州去韓原若故鄉行人心草草老母髮蒼蒼楊柳煙千

里男兒志四方三湘營制好努力事戎行

同治癸亥十月自咸陽馳救商州

載筆趨王事從戎赴武關山爭秦楚霸雪擁劍戟寒親老求名
切才疎濟世難何年千羽格著綵勸加餐

題何子吟秋詩集後

中流無砥柱苦口效蟲吟慘慘漁陽鼓冷冷海上琴狂歌非中
酒救世豈初心年少何公子人誰辯古今

廢園

鬱鬱古城隈荒園傍水開亭危風墮瓦橋壞板生苔春暖魚潑
刺堂空燕去來嗟嗟老梅樹誰種守寒材

嶺谷山房遺集

雒陽

策馬經東維征衫淚點多黍苗周故國荆棘晉銅駝解悶詩爲
藥藏鋒劍不磨床頭金已盡沽酒尙高歌

漫書

脾肉生如許蹉跎悔至今他鄉寒食苦近水柳條淫明月還家
夢青苗望雨心男兒好身手脫劍發悲吟

酒量秋潮長

掌上跳梁醜猖狂竟至今將兵懷國土厭亂祝天心酒量秋潮
長鄉愁夜雨深嗷嗷雲際雁何事發悲吟

登嶺

大塊孕矐巖精靈太岱多上通天有路雄壓海無波舉世瞻時
雨勞人怯坎珂秦皇偕漢武接踵此巖阿

經太山明堂

上古欽民隱明堂井井開四門賓列辟一德貫八垓元首防龔
贖東巡省眚災後王封禪去玉帛不曾來

即事

中年離父母何事重功名脚垢臨流洗田荒趁雨耕皇圖仍鞏
固元首况英明喫得黃梁飽狂歌雜笑聲

題昌邑店壁

傷心馬最五同是陝西人王事死何惜華年血滿身春深愁土

嶺谷山房遺集

淺叔老况妻貧一碗莎魚膾招魂大海濱

龍山道中

龍山秋雨歇驢背海風涼黃菊花沿路青天雁結行民饑嗟歲
歉俗美仗官強天子猶神哲余生樂未央

悼亡姬春雲

卿年二十五別我赴黃泉慘絕七旬母傷心看蓋棺露身價貧
易剪骨報恩難少小同衾妹教夫當妾看

贈高麗中社長

常侍攻詩日先生業早成數奇仍愛國才大不爭名有子堪娛
老無家幸再生二磅山咫尺撒手御風行

老女

老死深閨裏原非父母心無媒嫌自炫織素費沉吟眉縱真齊
案才終遜辨琴歲寒堂下竹憔悴共而今

趙菁衫心師北歸

黃濟爭趨海先生智勇超清風豐潤縣迹聖明朝有母官如
土生兒風在霄眼看人鑑遠頑懦欲魂銷

枉道羈塵網酸人鼻至今焚香清夜苦履薄十年心歲暮梅團
屋歸飛鳥識林擔柴真去去雲海薊門深

濟上重別

千里龜蒙山空濛楊柳煙離人策去馬遠上清淮船穀雨江南

崑崙山房遺集

十一

路鮒魚四月天不如不相見相見轉悽然

齊河題壁

十年東海上顧影忽悽然疲馬駝殘照歸雲宿暮山官慈胥吏
悍客久鬢毛斑冠蓋吳興子風流轉眼間

贈萊海卜次句

篤信如君少西河有後人讀書甘守拙學道自安貧愛我親嘗
藥憂時對愴神風潮萊海惡決計早歸秦

由秦涉齊太行旅舍有燕市客賦二月十二日邸報悲而
賦此

獨行別老妻舉步心惻然暮雨梨花店晨風燕麥川新茶悲舊

好逝水惜流年國母殉先帝中朝婦道堅

哀何天根

韶年失怙恃累汝早持家好古時人病憐才女史誇傷春看弟
妹歸骨痛阿爺握手明湖上東風拂柳花

邑侯王石樵告歸

冷雨黃花節蕭蕭歸去來辭官如敝屣省臺有餘哀廊廟方圖
治關西有吏才臯蘭山水好召杜莫徘徊

買菊

買花親冒雨秋滿濟南街瘦影宜茅舍寒香伴酒杯西風廉半
捲南雁字高排昔者陶元亮逢君笑眼開

崑崙山房遺集

十三

汾陰渡隔水見韓城諸山

隔水深山出橫空雁字來年豐人有穀雨足路無埃旅食征衫
冷雄心雪鬢摧法蘭西誤矣信義可違哉

別雲南豪士萬品三

滇地三百里草莽出英雄悔過同周處親賢似孔融秋涼悲寡
母命薄辟殊功不羨封侯好岷江學釣翁

杜鵑聲斷續別淚對縱橫道義相期許疏庸負聖明漢書銷酒
癖鐵笛哭蒼生與爾千秋約岷江江水清

感懷寄東國耆舊

愛我如諸舅承平指履冰謹防身坐炭執禮慄趨庭外侮宜持

重安攘有大經守官東父老何以固萊青

秦粵跳梁日朝庭禮重臣御門欽命將舍已善從人逞忿三王

忌窮邊兩漢曠平城段陵在慎莫悞尊親

廟社原無恙山靈恐震驚樂天權事小黠武近驕兵仁者雖無

敵王師慎遠征皇朝綱紀在匪貶政刑明

聞道春王月吾軍捷大東小懲唇固齒積憤懦為雄苦戰曹標

敢尊親匹婦同籌邊老充國慷慨議和戎

秋郊行

積雨兼旬苦濃霜破曉晴亂山青露骨秋水碧無聲鍋煖家家

柿牛忙處處耕土人安古拙農隙各窺經

嶽谷山房遺集

十四

落第

火色鳶肩類馬周漢家李廣不封侯西風獵獵長安道歲月滔

滔渭水流萬里終南山落木一瓢濁酒客登樓男兒別有千秋

業何必邯鄲借枕頭

早睡

啾啾棲鳥解求安早睡真同無守官鄉夢未完尋再續燈花有

淚莫輕彈生金鑄定心能死破屋梅香夜耐寒何處笙吹王子

晉明月如水倚欄干

除夜苦吟

浪擲韶花三十年今年除夜更悽然父棺尙臥空庭雪妻病猶

炊破竈烟字剪宜春憐小妹債債柴米指書田家人苦憶齊州
客燈滅寒閨應未眠

大雪走登州

殘年一騎下登州枯柳飛花雪滿頭適體重裘慚養福悞人捷

徑懷莫由荒山後婦哀無褐大地麥苗兆有秋夜聽海潮眠不

得提燈擲上酒家樓

丁文誠太保回黔修墓

陽春縱有歸來日渤海哀鴻怨慕多手為聖朝除宦豎力爭平

地障洪波東山泣捧修墳詔北闕親提入衛戈何事可酬知己

德兢兢忠愛矢無他

嶽谷山房遺集

十五

有以詩弔左忠貞者倚聲和之

天命人心相大清孤臣執禮仗節行柳棺暴露君親骨聖子鎔

沈道路聲事奏梓宮臣昧死元歸萊海面猶生韓城父老爭憐

我蘇武祠邊浪得名

和李雲生父台原韻

躬膺民社懷圓通悃悃無華道術工射虎家聲輕佞倖猶龍仙

吏客關中千秋元氣惟居敬四海澄清階大同六月梁山涼似

水願君重奏五絃風

大德無踰徑可由小嫌不辟為言游視民猶子來官謗索乳嬰

兒望母留名教古今多樂地平垣周道有春秋魴魚賴尾鴛蕭

羽斗酒難銷千載憂

絕句

思親

叮嚀回韓者寄語與椿萱兒心千里月夜夜照梁山

龍門

神禹闢龍門此外少籬藩千秋仍泛濫魚我好中原

商州

老樵伐古樹莫傷根與葦怕到陽春日還生大雅材

藍關

朝踏秦嶺雪暮宿昌黎廟如見故交人破啼復一笑

崑谷山房遺集

十六

道東海雲山島礮臺有感

吾皇家四海詔廢此高臺坐待安瀾日越裳獻雉來

觀海

四顧渺無地昂頭尙有天日昃東暝黑風潮奏水仙

上元

山左元宵月韓城見光采窮巷倚欄人仰天悵東海

閨詞

溼雲簷際黑東風似有力含笑語兒夫明朝行不得

峽江寺佛壁

不戀西天樂中原汗漫遊晉秦人殆盡法雨爲誰留

崑谷山房遺集

寒食

無花無酒太荒涼院靜廚寒春夢長孤雁呼羣雲際去冷風疏
雨似重陽

華清宮

繡嶺雲寒秋欲雨朝元閣閉晝無人臨風試問冬青樹何處溫
泉洗太眞

始皇塚

生前消盡九州鐵歿後無人化紙錢春暖老農鋤首蓓困來高
臥墓頭眠

明湖秋柳

崑谷山房遺集

十七

大明湖畔柳條柔顛雨怯風又到秋不忍見他憔悴色蹒跚行

過且低頭

長條消瘦短條黃儘有游人說斷腸誰是至心眞愛寵替儂爭

護九秋霜

紀夢

瓊樓玉宇寂無聲東海月高西海明縞素姮娥偏耐冷手扶丹

桂御風行

過秦山下

秦皇望海幸瑯琊鞭石成橋計太差驅得岱宗填渤海爭回平
地種桑麻

烏棲曲

高柳孤城噪亂鴉長街纖手撥琵琶
年年夜夜烏棲曲烏白頭
妾鬢華

夜聽寒鴉有所思玉樓翡翠萬年枝
開籠真個憐鸚鵡生不酬恩
犬馬知

中秋無月

大地山河雲醞釀桂花天氣霧氤氳
梯雲願取天邊月普照八荒
失路人

七夕

萬里銀河轉眼過天風清冷水無波
一年一渡真僥倖大地蒼

嶽谷山房遺集

十八

生怨曠多

金陵

龍蟠虎踞帝王基豪傑如山化作泥
賸有六朝金線柳千秋煙雨
綠淒淒

蜀山道中

廿年萍泊利名場逝水流雲記渺茫
祇有蜀山黃蘗屋發蒙聲在
耳門旁

灌口閱江

秋色西來關塞冷岷江東去浪花雄
中原不幸重昏墊胼手何人
繼禹功

游青城山

山從林際錯綜見人傍江村宛轉行
不雨不晴秋正好倒管甘蕉
看青城

岷山

參天松樹爭張蓋嶺石江聲怒下灘
班馬蘇韓希世筆清奇雄麗
有波瀾

成都寒食

流鶯細雨錦官城楊柳高樓百感生
麥飯紙錢寒食近先人邱隴
草青青

遇故人

杜鵑聲裏雨如煙萬里橋邊送客船
握手相逢長太息故人無恙
在山泉

劍關

老驢悲鳴志未甘秋風扶病萬重山
雞聲大挾姜維膽夜半催人
出劍關

朝邑相國子告西還詩以迓之

黃閣梅花四海香相公歸去道光昌
瓊樓玉宇天顏遠珍重高寒
五夜霜

大海收帆日未斜王官谷口種桑麻
微臣不是耽山水鑿井耕田
到處家

嶽谷山房遺集

十九

學道愛人仁者事知難而退勇無加人心陷溺危微甚稷契皋
夔袖手邪

生不酬恩犬馬噴忍將獨善謝君親長民輔世格君任可有鐵
肩負重人

訓蒙

酒地詩天聲伎場卅年湖海太清狂白頭始解讀書好瓦屋三
間水一方

閉門書卷啓門山十歲嬌兒共往還母餽米鹽爹執爨盼兒明
道富力田

聞歌

嶠谷山房遺集

二十一

嶠谷山房遺集

二十一

伊涼古調叶清商花落春寒月似霜歌罷滿村人未睡垂楊門
巷韻悠揚

自嘲

學道愛人識字少同民好惡耐寒酸十年海岱酬知己不羨膏
梁文繡官

富貴畏人憂患大甘心貧賤夢魂間男兒老朽蓬蒿底志在黃
農舜禹間

大雪戒廚娘

裊裊厨烟青似蓋蕭蕭庭竹蟹抓沙米糠莫漫雪中簸怕汗飛
瓊上界花

示兒
端兒懸肘寫洛神鐵線排空玉柱勻更進劬書知今古筆瓢疏
食未爲貧
村女
椎髻秃眉大布裙十年不字不傷神閉門桃李花開日自洗東
風甑底塵